



ԽՐԻՍՅԱՆ ՀԱՅՐԻԿԻ ՀԻՇԱՏԱԿԻՆ ՍՈՒՐԲ ՊԱՏԱՐԱԳ ԵՎ ՀԱՆԴԻՍՈՒԹՅՈՒՆՆԵՐ ՀՅՈՒՍԻՍԱՅԻՆ ԱՄԵՐԻԿԱՅԻ ՀԱՅՈՑ ԱՐԵՎԵԼՅԱՆ ՅԵՄՈՒՍ

Հյուսիսային Ամերիկայի Հայոց Արևելյան թեմի թեմական խորհրդի որոշմամբ, առաջնորդ գերաշնորհ Տ. Մամբրե արքեպիսկոպոս Գալիֆայանի նախագահությամբ, 1957 թվականի դեկտեմբերին կազմավել է կենտրոնական հանձնաժողով, արժանավոր շքով նշելու համար 1957 թվականի դեկտեմբեր ամսից մինչև 1958 թվականի հունվար և փետրվար ամիսները, Խրիմյան Հայրիկի մահվան հիսնամյակը, Արևելյան թեմի ավելի քան 42 համայնքների նկատմամբ:

Կենտրոնական հանձնաժողովը ձևապատկերներ կազմել է Խրիմյան Հայրիկի մահվան հիսնամյակին նվիրված տոնակատարությունների ծրագիրը, հրատարակելով միաժամանակ Խրիմյան Հայրիկի կյանքն ու գործունեությունը պատկերող հորեկյանական մի դրբույկ, հայերեն և անգլերեն լեզուներով:

Հատկապես առանձին շքով է նշվել Խրիմյան Հայրիկի մահվան հիսնամյակը Նյու-Յորքի Հայոց թեմի վեց եկեղեցիների մասնակցությամբ, 1958 թվականի հունվարի 26-ին Այդ օրը առաջնորդ սրբազան հայրը եպիսկոպոսական հանդիսավոր պատարազ է մատուցել Նյու-Յորքի Եպիսկոպոսական Սեյնտ Ջան դ'Տր Դիմիայն Մայր Տաճարում, որին ներկա են եղել ոչ միայն 6000-ից ավելի հավատացյալ հայեր, այլ նաև Հայոց եկեղեցին սիրող և Խրիմյանի հիշատակը հարգող բազմաթիվ ամերիկացի հոգևորականներ, որոնց թվում Եպիսկոպոսական Մայր եկեղեցու երեք ղեկավար. Ջեյմս Պայկը, Դին Կանոնը և շատ ուրիշներ:

Սուրբ պատարագը երգել է 150 հոգուց բաղկացած դպրաց դասը դպրապետ պր. Ներսես Ներսեսյանի ղեկավարությամբ:

Եպիսկոպոսական Մայր եկեղեցու երեք ղեկավար. Դին Պայկը բարի Կալստյան և ող-



ՄԱՄԲՐԵ ՍՐԲԱՋԱՆԸ ՀՈՐԵՍ Պ. ԴՈՆԻԿՈՆ ԵՊԻՍԿՈՊՈՍԻ ՀԵՏ

ջուլնի սրտագին խոսք է ասել հայ հավատացյալներին, շնչտելով Հայ Եկեղեցու և Եկեղեցու հավատի նույնությունը և ստեղծված եղբայրությունը: «Պատիվ է մեզ համար,—ասել է նա իր ողջույնի խոսքում,—մեր եկեղեցում Հայաստանյայց Եկեղեցու սուրբ պատարագի մատուցումը, Մեր սերն ու բարեկամությունը միշտ ձեզ հետ կլինեն»:

«Հայր մեր»-ի ժամանակ պատարագի: Տ. Մամբրե արքեպիսկոպոսը խոսել է բովանդակալից քարոզ «Ես եմ հովիւն քաջ, հովիւ քաջ զանձն իւր դնէ ի վերայ ուխտ»:

զորում է ամերիկահայությունը՝ շնորհալ Հայոց աշխարհը, Ս. Էջմիածինը, սիրել հայոց լեզուն, ամենայն երկյուղածությամբ պահել հայրենական ավանդությունները, ապրել խաղաղությամբ ու սիրով, որպես նույն ժողովրդի հարազատ զավակները:

Քարոզի վերջում առաջնորդ սրբազանը սրտագին շնորհակալություն և երախտագիտություն է հայտնում ամբողջ թեմի անունից Եպիսկոպոսական Եկեղեցու իշխանավորներին, որոնք այնքան ազնվորեն տրամադրել էին իրենց Մայր Տաճարը հայոց սուրբ պատարագի համար և իրենց



ՊԱՏԱՐԱԳ ԽՐԻՄՅԱՆ ՀԱՅՐԻԿԻ ՀԻՇԱՏԱԿԻՆ, ԴՅՈՒՅՈՐԲԻ ԵՊԻՍԿՈՊՈՍԱԿԱՆ, ՄԵՅՆՔ ԶԱՆ
ԴՆԸ ԴԻՎԱՅՆ, ԵԿԵՂԵՑՈՒՄ

րաց» (Յովհ. Ժ 11) բնարանով: Քարոզիչ սրբազանը հրիմյանին ներկայացրել է որպես իսկական ավետարանական «քաջ հովիվը», վեր հանելով հրիմյանի բազմակողմանի գործունեության բոլոր հանգրվանները, ուր նա հանդես է եկել որպես ժողովրդի ուսուցիչ և դաստիարակ, վարդապետ ու առաջնորդ, պատրիարք և կաթողիկոս: Իր քարոզի մեջ սրբազանը հատկապես կանգ է առել հրիմյան Հայրիկի սրբատառ այն կոնդակի վրա, որով հաստատում է ամերիկահայ թեմը և հայրական սրտով հոր-

սրտագին մասնակցությունն էին բերել հրիմյանի հիշատակին նվիրված հանդիսություններին: «Սրտառուչ երևույթ մըն է,—ասաց իր քարոզում գերաշնորհ սրբազան հայրը,— որ Եպիսկոպոսական Եկեղեցին, իրեն հարազատ բույր եկեղեցի, իր նշանավոր առաջնորդ սրբազան Եպիսկոպոսանի-րով, ինչպես անցյալին բիշոպ Ուիլյամ Տ. Մենինդի, և ներկայիս բիշոպ Հորեն Պ. Դոնիկոնի և Դին Ջեյմս Պայկի սիրալիր աջակցությամբ, զորավիգ եղած է առաջնորդա-րանիս և մեզի ույս առթիվ Եպիսկոպոսա-

կան Եկեղեցվո իշխանավորներուն և ծխականներուն կհայտնենք վիճակիս ժողովուրդին և մեր սրտագին երախտագիտութիւնը ալդ ասպնջական վերաբերմունքին համար: Քրիստոսի շնորհը անպակաս ըլլաւ մենքին վրայ:

Սուրբ պատարագի վերջում կատարվում է հանդիսավոր հոգեհանգիստ հրիմյան Հայրիկի խնկելի հիշատակին նվիրված:

Նույն օրը երեկոյան Մք. Ալպին պանդոկի շքեղ սեղանատան մեջ հոգեճաշ է տրվում Հայրիկի հիշատակին: Հոգեճաշին ներկա են լինում ավելի քան 400 հոգի: Ժաշի ընթացքին գործադրվում է նաև գեղարվեստական մի հայտագիր: Հուզիչ ու գեղեցիկ ճառերով ոգեկոչում են հիշատակը Վասպուրականի Արծվի տիկին Վերժին էքսերճյանը՝ «հրիմյան Հայրիկ և հայ ընտանիքը», Նուպար Տորոյանը՝ «հրիմյան Հայրիկը և հայ երիտասարդությունը, «Պայքար» օրաթերթի կորովի խմբագրապետ պրահետ Անդրանիկ Անդրեասյանը՝ «հրիմյանը որպես հանրային գործիչ, հոգևորական և կրթական մշակ», Հայկական Բարեգործական Ընդհանուր Միության վարիչ-տնօրեն Գրիգոր Կիրակոսյանը՝ «հրիմյանի պատգամը», թեմական խորհրդի անդամ Ռիչարդ Գ. Գրեգորի, գեղապետ Գառնիկ Բեյ, Նշան Շահինյան և ուրիշներ:

Բարեգործականի Կրթական հանձնաժողովի վարիչ քարտուղար Անդրանիկ Փուլատյանը պատրաստել էր 70 էջերից բաղկացած հրիմյան Հայրիկի կենսագրությունը, հայերեն և անգլերեն լեզուներով, նորին Ս. Սծություն Տ. Տ. Վազգեն Ա Ամենայն Հայոց Հայրապետի 1957 թվականի նոյեմբերի 17-ին, հրիմյանի մահվան հիսնամյակի առթիվ Ս. էքմիածնի Մայր Տաճարում արտասանած քարոզի հետ միասին: Այդ կենսագրական գրքույկը պատկերազարդվել է հրիմյան Հայրիկի և Վեհափառ Հայրապետի նկարներով:

Հանդիսության գեղարվեստական բաժնին իրենց շնորհալի մանակցությունը բերել են երգերով Եղվարդ Գառնիկյան, Մարտիրոս Քյոշեյան, նվագով՝ օրիորդ Կետերին Ավագյան, արտասանությամբ՝ տիկին Արտեմիս Տարսոն:

հրիմյան Հայրիկի մահվան հիսնամյակի առթիվ տրված հոգեճաշի սեղանի առաջ փակման խոսք է ասել արժանապատիվ Տ. Արսեն քահանա Աշճյանը:

Հոգեճաշը վերջացել է առաջնորդ գերաշնորհ Տ. Մամբրե արքեպիսկոպոս Գալֆայանի «Պահպանիչ»-ով:

Ամերիկահայ ամբողջ մամուլը, մտավորականությունը, բոլոր կազմակերպությունները արժանավայել կերպով նշում են Վասպուրականի Արծվի մահվան հիսնամյակը:

